

**ՄԱՅՐ ԱԹՈՌԻ ԴԻՎԱՆԻ ՀԱՅՏԱՐԱՐՈՒԹՅՈՒՆԸ
ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ Ս/Թ. ՍԵՊՏԵՄԲԵՐԻ
24-Ի ԸՆԴՀԱՆՍՈՒՅՆ ՆԻՍՏԻ ՄԱՍԻՆ**

Մայր Աթոռ Սուրբ Էջմիածնի Գերագույն Հոգևոր Խորհուրդը Ամենայն Հայոց Կաթողիկոս Ս. Ս. Վապգեն Ա.-ի նախագահությամբ գումարված իր սույն թվի 24 սեպտեմբերի ընդայնված նիստում, որին մասնակցում էին ներքին թեմերի թեմակալ առաջնորդներ Ս. Նարեկ եպս. Շաքարյանը, Ս. Գեվորգ եպս. Սերայդարյանը, Ս. Անանիա եպս. Արաբաջյանը և ադապատահմանից ժամանած արքեպիսկոպոսներ, հանձինս Ս. Տիրան Արք. Ներսույանի, Ս. Վաչե Արք. Հովսեփյանի, Ս. Ջավեն Արք. Չինչինյանի, Ս. Տիրայր Արք. Մարտիրոսյանի, Ս. Արսեն եպս. Բերբերյանի, Ս. Գրիգորիս եպս. Բունիաթյանի, Ս. Մեսրոպ եպս. Գրիգորյանի, ի գլուխ ունենալով Կ. Պոլսի ամենապատիվ Ս. Շնորհք Պատրիարք Գալուստյանը, ծանոթացան՝ Մեծի Տանն Կիլիկիո պատվիրակների անցյալ հուլիս ամսին Մայր Աթոռ ներկայացրած տեսակետներին, որով նրանք հայտնում էին, թե մեր Եկեղեցին կարիք չունի ներկայիս մի կազմական կանոնադրություն ունենալու և թե նրա «պատրաստությունը ոչ այժմեական է, ոչ կարելի և ոչ էլ օգտակար»:

ա. Գերագույն Հոգևոր Խորհուրդը և ժողովին մասնակից բարձրաստիճան հոգևորականները բարձր գնահատեցին կանոնադրության Հանձնաժողովի կատարած աշխատանքը և, հետ մտքերի լայն փոխանակության, եկան այն եզրակացության, որ Տանն Կիլիկիո Աթոռի սույն տեսակետը հիմնավորված չէ և որ անհրաժեշտ է շարունակել սկսված գործը՝ իր ընդունելի վերջնական ձևին հասցնելու համար կանոնադրության նախագիծը, որտեղ ընդհանուր գծերի մեջ ճշտված պետք է լինեն Հայ Եկեղեցու կազմական կառույցը, կանոնական հիմնական սկզբունքները, նվիրապետական Աթոռների իրավասությանց սահմանները և թեմական ու համայնքային կազմակերպությանց ժողովրդավարական և ժողովական ղեկավարման կարգը, հոգևոր դասի և աշխարհական դասի ներկայացուցիչների համերանշխ ու հավասար գործակցությամբ:

Հայ Առաքելական Եկեղեցին օժտել մի կազմական կանոնադրությամբ՝ նշանակում է ոչ միայն արտահայտել ու ամրապնդել մեր Եկեղեցու կառույցի կանոնական միությունը, այլ նաև սփյուռքի մեր եկեղեցական կյանքից վերացնել այն անբնականոն ու տագնապալի կացությունը, որ ահա գոյատևում է մոտ երեսուն տարիներից ի վեր: Նման մի կանոնադրության մշակում և գործադրում կնշանակի նաև ամուր միասնություն ստեղծել մայր հայրենիքի և սփյուռքի հայ հավատացյալ ժողովրդի կյանքում եկեղեցական կյանքի մակարդակի վրա:

Անհրաժեշտ է նման մի կանոնադրությամբ իրականացնել Հայ եկեղեցու միությունը և հայ հավատացյալ ժողովրդի հոգևոր միասնությունը, Սուրբ Էջմիածնի օրինության ներքո և եղբայրական գործակցությամբ Մեծի Տանն Կիլիկիո կաթողիկոսական Աթոռի ու Երուսաղեմի և Կ. Պոլսի Պատրիարքությանց Աթոռների:

բ. Ժողովի մասնակիցները ծանոթացան նաև Ամենայն Հայոց կաթողիկոս Տ. Տ. Վազգեն Ա.-ի վերջին տարիների խաղաղասիրական գործունեությանը և հատկապես Ամերիկայի Միացյալ Նահանգաց մեծահարգ նախագահին ուղղյալ 24 հուլիս 1986 թվակիր նամակի բովանդակությանը, ինչպես նաև Լիբանանի հայությանը ուղղյալ 4 հունիս 1986 թվակիր օրինության խոսքին, ջերմորեն ողջունելով Վեհափառ Հայրապետի աստվածահաճո մշտական ճիգերը, նրա կենդանի խոսքը, նրա մարդասիրական կոչերը՝ վասն խաղաղության աշխարհի, վասն սպառազինությունների դադարեցման, ընդհանուր պինաթափման և վասն համերաշխ գործակցության մեր երկրագնդի մեծ ու փոքր ազգությունների, արդարության լույսի ներքև:

Ժողովին մասնակցող եկեղեցական հայրերը, ներշնչված մեր Տիրոջ՝ Հիսուս Բրիստոսի Ավետարանի պատգամներից և առաջնորդված մեր ժողովրդի ու մայր երկրի գերագույն շահերից, իրենց հայ եկեղեցականի պարտքն են նկատում իրենց աշխատանքի վայրում բարձր հնչեցնել խաղաղության ձայնը խաղաղասեր եկեղեցիների և զանգվածների կողքին, համոզված, որ Հայ եկեղեցու և հայ հոգևորականության կոչումն իսկ է իրենց նպատառը բերել խաղաղ ու արդար մի աշխարհի ստեղծման առանց հրի և սրի, առանց պատերազմների և առանց ցեղասպանությունների:

Ժողովականները արտահայտեցին նաև իրենց ջերմ մաղթանքը, որ խաղաղության արեգակը վերստին ճառագայթի Միջին Արևելքի երկրներում, հատկապես Լիբանանյան սուրբգրական երկրում, որպեսզի վերահաստատվի այնտեղ երբեմնի բարգավաճ ու ծաղկյալ կյանքը համերաշխ գործակցությամբ բոլոր համայնքների:


Չի մեր հայրերի Աստվածը խաղաղության Աստված է, իսկ մեր Ավետարանը՝ ի մարդիկ հաճության և համերաշխության Ավետարան:

«Ապա այսուհետև պիտո երթիցուք պիաղաղութեան և պինութեան որ առ միմեանս» (Հռոմ, ԺԴ 19): Ամեն:

ԴԻՎԱՆ ՄԱՅՐ ԱԹՈՐԻ

Ս. Էջմիածին,

29 սեպտեմբեր 1986 թ.





ՎԵՀԱՓԱՌ ՀԱՅՐԱՊԵՏԸ, ՀԱՅ ԵԿԵՂԵՑՈՒ ԲԱՐՁՐԱՍՏԻԺԱՆ ՀՈԳԵՎՈՐԱԿԱՆՆԵՐԸ
ԵՎ ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ՆՈՐԸՆՏԻՐ ԱՆԴԱՄՆԵՐԸ
ՎԵՀԱՐԱՆԻ ԸՔԱՍՈՒՏՔԻ ԱՌՋԵՎ